

ORIGINEM. SYM

A  
RESTAVRATA. PO

ECCLESIA. J

EX NEHEM. I

- REPETIT

SISTIT.

---

VIRIS. CLARISSIMIS

DOCTISSIMIS

ADAMO. BENEDICTO

LANGENRENSIS

AVGVSTO. TRAV

JOANNI. GOTTL

GOTTLOB. POLYCARP

DRESDENSIS

HONORES. IN. PHILOS

*D. IX. CAL. MART. c*

RITE. COLL

JVSSV

SOCIETATIS

PRAESIDE. AC. MO

VIRO. SVMME. P

JOAN. CHRISTIANO

S. S. THEOL. D. SACR. LING. PROF. ORD

DE,

L. L. SYMBOL.

GRATVLAT

JO. GOTTHARD.

REINSBERG

SYMBOLORVM.

A  
A. POST. EXILIVM.  
IA. JVDICA.  
HEM. IX. VLT.  
PETITAM.  
SISTIT.

---

SIMIS. NOBILISSIMIS.  
SSIMISQVE.  
EDICTO. SPIZNERO.

RENSDORF. MISN.

RAVG. FRITSCHIO.

TTLIEB. THENIO.

LYC. KOEHLAVIO.

DENSIBVS.

HILOSOPHIA. SVMMOS.

RT. *clb lb CCXXXIII.*

E. COLLATOS.

JVSSV.

TATIS. QVAE

AC. MODERATORE.

ME. REVERENDO.

ANO. HEBENSTREIT.

PROF. ORD. ET THEOL. PROF. EXTRAORD.

DE,

BOL. DISPV TAT.

TVLATVRVS.

ARD. WINCKLERVS.

USBERGA • MISN.

Hand A

1365

43

43

# VIRI CLARISSIMI.



Nec per hanc instituti rationem, nec per nimis angustum paginarum spatium licet, prolixiori in iis exponendis causis uti præfamine, quibus nos inducti, hunc diem, quo VOBIS summi in Philosophia honores jure meritoque decernuntur, hac qualicunque scriptione, solemnem festumque reddere apud animum constituerimus. Ne autem nihil plane dixisse videar, VOS IPSI judicate, potueramusne VESTRA in litteras promerita, tum elegantiores, quod attinet, quas VOBIS in deliciis esse, tum sanctiores, quarum VOS studiosissimos novimus; indefessam in scientiis magis magisque excolendis industriam; modestam, circa examinandas defendendasque veritates divinas *αὐτοβασίαν*, hoc in primis die dissimulare, quo VOS, ipse sapientissimorum virorum confessus dignos judicavit, quibus, quod honorum præstantissimum habet, larga conferret manu. Et hæc fere sunt causæ, cur nostra societas, cui VESTRA singularis eruditio ac doctrina insignem hætenus florem, florentissimumque splendorem conciliavit, ad laudes tantis virtutibus dignas quodammodo celebrandas, animique dexterrimum in VOS affectum demonstrandum, me quidem mentium interpretem decreverit. Quam provinciam tam honorificam, in me indignum omnino delatam, cum a me declinare, nec ob posulantium auctoritatem, commode potuerim, nec per VESTRI studium, quod in me summum esse profiteor, sine impietatis suspicione voluerim: cœpi de argumento cogitare, quod & studiorum, quibus VOS inprimis delectamini, generi responderet, & a societatis nostræ instituto haud multum abesset; quippe quæ id sibi in primis datum esse, censet, ut Theologiam, quæ audit, *Symbolicam*, quæstionibus diluendam constituit. Diu multumque circumspicienti, ultro mihi sese offert quæstio: unde & quam alte origo Symbolorum sit re-

X

peten-

petenda? offendo, arripio, dispono, dispositam VESTRA si fieri poterit pace, exponam; non, ut VOS docere videar, vel eruditionem VESTRAM, mea, si qua est, longe superiorem adaugere; sed ut VOS æquos sententiæ qualiscunque arbitros experiar.

Quo primum tempore vox Symboli veteribus tesseram significans, quæ milites, sub uno duce militantes ab hostibus discernerebantur, ad sacra translata sit, non valde curamus; satis cum constet, a doctõribus ecclesiæ ejusdemque scriptoribus, ante Concilium Nicænum usu nequaquam esse receptam, ut Jo. Bened. Carpzovio observatum fuit, in Isagoge ad L. L. Symb. eccles. Luther. p. 2. modo in præsentia, quæ sub Symbolorum nomine venit, rem teneamus. Quod si ergo per Symbola librosque Symbolicos, ejusmodi scripta intelligantur, quæ ab ecclesia aliqua ita recepta sunt, ut per ea, & doctrinam in illis comprehensam, a reliquis cõtibus & ecclesiis, quibuscum ceteroquin consentire videri poterat, discerni velit ac separari; eorum originem longe altius ascendere deprehendetur, quam ut cum quibusdam \*) ex papatu demum aut cum aliis ab ætate Apostolorum \*\*) repetenda sit. Antiquorum Symbolorum antiquissima, quæ ætatem tulerunt, habentur Antiochenum, cujus natales in concilio Antiocheno anno CCLXX. celebrato existisse constat; Gregorii Thaumaturgi sec. III. quod circa doctrinam, ex inspiratione divina, ille accepisse fertur, ad cujusque fidem tum Ariani veteres, tum eorum successores hodierni, Socinianos intelligo, suspectam reddendam omnem lapidem monere; qua de re videri potest Greg. Nyssenus & Steph. Sandius de veter. Scriptor. Eccles. nec non Symbolum Irenæi æque ac Tertulliani, & nonnulla forte alia. Fallunt tamen & falluntur, qui Symbolo Apostolico longe majorem ætatem & auctoritatem adscribunt, propte-

\*) Ad quam classẽ pertinet omne genus τυμβολομαχων, Fanaticorum, Quackerorum & Pseudo-Politicorum, qui Symbola & jus jurandum in ea præstandum, tale enim frenum ægre ferunt, tamquam immanem animorum tyrannidem, ex papatu residuam, fugilanda sibi sumunt; quorumque causam magni quondam nominis, in vicina academia Politicus, quacunque oblata occasione in scriptis suis perorat.

\*\*) Puta Syncretistas & Pontificios, quos inter eminet Ambrosius Rufinus Isidorus in Exposit. Symbol. Apostol.

pr opterea quod illud paulo ante dispersionem Apostolorum, ab ipsis instar tesseræ, cognoscendorum doctrinæ Apostolicæ dogmatum, conditum esse, putant.

Verum enim vero hæc fabula a viris eruditissimis, inprimis autem a Centuriatoribus Magdeburg. Cent. I. lib. II. p. 66, dudum explosa est, & satis superque evictum, illud non uno eodemque, sed per diversa temporis intervalla, cœptum confectumque fuisse, neque monumenta, quæ de eo exhiberi solent, quantum seculum superare. Sed sufficiat recitasse hæcenus, quæ pro antiquissimis vulgo habentur, Symbola, quibus nullum detur antiquius; hanc enim opinionem fovet & quibusdam argumentis confirmat b. Buddeus, contra eos, qui originem Symbolorum in ipsis sacrarum litterarum monumentis reperisse sibi videntur, in Ilagoge ad univers. Theol. Part. I. Lib. II. cap. II. de Theol. Symb. §. II. p. 396. Qui Symbolorum vestigia, inquit, in Sacra Scriptura se invenisse, sibi persuadent, ad veram & genuinam vocis significationem non satis attendisse videntur. Ego tam insolentis & temerariæ arrogantiae non sum, qui in sententia tanti viri, cujus memoriam, mihi tam sanctam esse profiteor, quam quod sanctissimum, aut carnam quid, aut taxem; interim liceat tantisper, modestie tamen de eo dubitare, quod Vir immortalis memoriæ tanta cum fiducia asseruit.

Vestigia Symbolorum circa Apostolorum ætatem iamiam obtinuisse, Act. c. XV, 19. 20. seqq. vero haud dissimile videtur. Etenim si confessum Apostolorum, ad quem ipsi cum presbyteris eum in finem convenisse l. c. legimus, ut de quæstione dubia & controversa: num circumcisio sit retinenda nec ne, sententias conferrent, Concilii primi nomine insignire vulgo non dubitatur; qui sit, ut Apostolorum decretum, circa eandem rem, normæ instar, ad sanctiorem cœtum perscriptum, Symbolum appellare dubitemus? cum tamen, ubi ubi habitæ sunt Synodi, ibi & plerumque Symbola fuisse condita, experientia comprobet. Nec desunt, l. c. quæ Symbolum constituunt partes; adest controversia, v. 3. quæ sub examen, secundum Scripturæ & fidei analogiam instituendum, revocatur; adsunt orthodoxi adsunt heterodoxi v. i. adest veræ & falsæ sententiæ declaratio: scribitur, hoc in epistola, ut sit credendi vivendique norma, eademque normata conf. v. 15. propheticiis oraculis respondens, & proin accedit tandem singularis quædam auctoritas v. 23. subscriptis Apo-

florum nominibus huic Symbolo comparata, quæ frentum secus docentibus injicere posset. Quæ in re, quod a vera & genuina significatione vocis Symboli abhorreat, vix quicquam apparet. Ast natales Symbolorum ab hoc demum primi Concilii tempore repetendos esse, nec alius; tantum abest, ut credam ut potius eorum vestigia, in restaurata post exilium ecclesia Judaica, Neh. IX. ult. v. reperire mihi videar. Statum ecclesiæ Judaicæ ejusdemque vitz, tunc temporis procul dubio miserrimum fuisse, non inficiabitur, cui tristissima reipublicæ Judaicæ conditio ex Sacrarum Scripturarum monumentis paulo accuratius innotuit. Tam crassa enim legum divinarum ignorantia plerorumque mentes occupaverat, qua crassior nec dici facile, nec cogitari poterat; ad hanc accedebat impurissima ritibusque gentilium, inter quos hucusque degerant, hinc inde conspurcata doctrina, ut vix pauca eademque exigua pristinæ purioris vestigia, conspicerentur, ex quo virulentissimo fonte, profligatissimos gentis Judaicæ mores non potuisse non profluere, quilibet facile conjiciet. Tantis malis mederi eo difficilior videbatur, quo minus plerique ex captivitate Babylonica reducum sacra monumenta aut legere aut sine Interprete \*) intelligere poterant; quippe qui una cum moribus, patrium sermonem in peregrinum converterant. conf. c. XIII, 24. coll. c. VIII, 8. Quare de ratione huic morbo depellendo apta Nehemiæ ceterisque ecclesiæ Judaicæ præsulibus cogitandum erat; siquidem intelligebant, omne consilium de emendandis moribus civium suorum irritum futurum; nisi ante omnia doctrinæ integritatem restituerent profundæque ignorantie caliginem dispellerent. \*\*) Ne autem, quam de felici hujus rei eventu conceperant, spes sese frustraret, convocabant populum, stirpem Israeliticam ab alienigenis separabant, corruptam doctrinam, ex Mosis & Prophetarum scriptis emen-

\*) Ab hac corruptione lingue originem traxerunt תורה מניין seu מורה מניין Hebrais מליצים vel מכינים dicti. Eorum autem officium in eo consistebat, ut in lectionibus Thoræ Sabbaticis, singulos Paraschæ versiculos a lectore hebræo in synagoga recitados, lingua Chaldaea, repeterent, atque lingue sanctæ, cujus usus in exilio perverserat, interpretes agerent ad populum in vernacula Chaldaea plur. vid. in Buxtorff. Lex. Chal. Rabb. Talmud. sub rad. תורה p. 2643.

\*\*) Hujus autem deplorati mali causam; hanc ab Antiquitate Judaica accepimus commemoratam, quia nobilior sanguis seu flos reipublicæ in Babylonia remanebat, sex autem illius ac sentina cum

emendabant, fœdus cum Deo restaurabant, illudque in peculiari quodam libello conscriptum & a principibus Levitis Sacerdotibusque subscriptum & obsignatione munitum, tanquam doctrinæ & perennem morum regulam posteritati tradebant. Quod quæso ovum ovo unquam similis potuit existerè, quam hoc Nehemiæ & populi Israelitici fœdus cum Deo restauratum, nostræ ecclesiæ Symbolis? re ipsa nimirum perpenſa non nomine. Sive enim Symbolorum naturam spectemus, sive certas quasdam circumstantias, utrumque huc apprimè convenire, nostræque favere sententiæ intelligitur. Eorum autem naturam ita comparatam esse, novimus, ut inprimis instar confessionis publicæ sint; vi cuius, ut supra observatum fuit, ecclesia vera a falsa, illiusque genuina doctrina ab erronea, & de hæresi suspecta cognosci discernique possit. Quare etiam tunc demum rectè, aut de ecclesia aliqua, aut ejus doctrina judicatur, si non ex privatorum doctorum sententia, sed ex libris consensu totius ecclesiæ conscriptis æstimatur. Illud autem idem in Symbolum hoc Nehemianum cadere, de quo nunc sermo est, nullum relinquitur dubium. Enim vero tempore Nehemiæ vera ecclesia a falsa quam maxime erat discernenda. At excipi posset, nondum Samaritanorum sectam, nec aliam quampiam purioris doctrinæ turbasse fontes, adeoque opus non fuisse, falsam doctrinam a vera, ecclesiam hæreticam ab orthodoxa distinguere? Nimirum, si nondum integræ sectæ ab ὑποκριτῶν ὑγιανόντων λόγων recesserant, qualis erat illa Samaritanorum, \*) erant tamen non pauci, qui de matrimonio contrahendo, quod enim cum alienigenis contrahébant, pro licito a plerisque habebatur, porro de Sabbatho celebrando, decimis primitiis & sacrificiis offerendis, atque

*Esdra in Palaſtinam redibat; unde illud Rabbiorum tritissimum:*

: עֵסָה לְבָבָל וְאֵי עֵסָה לְאֵרֶץ כָּל הָאָרְצוֹת, *i. e. omnes terræ sunt ut massa mixta; comparata cum terra Israelitica; & terræ Israelitica est, ut massa mixta, comparata cum Babylonia, conf. Jo. Lightfoot in Hora Hebr. appendix 1. Cor. XIV. cap. II. p. 265. edit. Lips.*

*Et Buxtorf: Lex. Talm. v. עֵסָה p. 1637.*

\*) Alias satis notæ sunt tres illæ heresum classes, Pharisæorum nempe, Sadduceorum & Essæorum, de quorum natalibus varii varias fovent sententias. Sunt qui Pharisæorum originem ab ipso Esdra repetunt, conf. Scaliger in Elench. tribers. c. 22. Sunt etiam qui harum trium heresum incunabula in ætate Maccabæorum, haud improbabiliè ponunt, vid. Joseph. Antiq. Lib. XIII. c. 9. p. 629. it. Lackemacheri Observ. Philol. p. 3.



atque adeo de præcipuis legis ceremonialis momentis nec rite sentiebant nec recte docebant, conf. c. X, 29. 30. seqq. Cum autem constet, leges ceremoniales Theologiæ V. T. potiorē constituisse partem; eorum errores non parvi censendos fuisse, qui in rem tam arduam impingebant, in aprico est. Ergo aderat ecclesia, variis erroribus contaminata. Quæ propter ne hic cryptogentilismus virulentas suas radices altius ageret, prospiciendum erat iis, quibus auctoritas legum Mosaicarum veræque religionis integritas curæ cordique erat; cui officio, ut satisfacerent, hoc Symbolum condebant; quo puriori cœtui addicti, ab iis secerni eo facilius possent, qui moribus ethnicis assuefacti, semijudæi verius, quam Judæi appellandierant. Sed erunt forte, quibus hæc pactio magis ad corrigendam vitæ rationem, quam doctrinæ emendationem respexisse videatur, quippe matrimonium cum alienigenis non in eundem, Sabbathi observationem, primitiarum, decimarum & sacrificiorum oblationem, non tam ad doctrinæ puritatem, quam ad vitæ praxin spectare; Symbolorum autem naturam esse, ut in primis circa fidei dogmata occupetur. At vero fac, morum in primis corrigendorum gratia, hoc Nehemiæ pactum sanciri; quid? poterantne effluvia reslingui prius, eorum fons quam obstrueretur? scilicet frustra corriguntur mores, nisi doctrinæ emendatio antecesserit. Accedit, non quævis Symbola tantum doctrinam, sed etiam quam maxime morum probitatem respicere; hæc duo enim tam arcte conjuncta sunt, ut quid quam arctius vix possit. Nec Symbola nostræ ecclesiæ solum circa doctrinæ integritatem sed etiam vitæ Sanctitatem versantur; quod e VII. istis Articulis de Abusibus in Aug. Conf. & Catechismo Majore Lutheri, omnia fere omnium officia continente, satis elucescit.

Alterum, quod fœdus illud cum nostris Symbolis commune habet, in eo consistit, quod ex communi ecclesiæ Judaicæ consensu percutiebatur. Concurrerant enim ad illud perficiendum, omnes tres, qui alias constituunt ecclesiam, status hierarchici, magistratus nimirum. Cap. X. i. ordo ecclesiasticus, v. 9. æque ac domesticus v. 28. Talis enim doctrinæ norma & morum regula requirebatur, quæ auctoritate publica conscriberetur obsignareturque, ut si quis vellet, non posset tamen, aut quid in ea mutare, aut contra eam excipere, nisi communem orthodoxæ ecclesiæ sententiam corrigere, & audaciæ quicquam adversus eam moliri vellet videri. Sanè & hoc momentum Symbola nostris commode respondet, & utriusque

que haud exiguum paritatem refert. Illud enim Nehemianum tota ecclesia orthodoxa consentiente pangebatur; nostra Symbola nihilo minus suffragiis repurgatae ecclesiae perficiebantur. Ibi nomina principum & sacerdotum subscribebantur; hic non secius: ad illud non solum coevi, sed & posterius obstringebantur; Cap. X. 28 etiam nostra perennem posteritati exhibent regulam. Præter hæc, quæ commemoravimus, convenientiæ momenta, notatu dignum occurrit iusjurandum, quo omnes & singuli, præcipue tamen proceres reipublicæ & sacrorum antistites, hi enim non absque causa, ecclesia repræsentativa audiunt, sese obstringere solent: velle se Symbola ecclesiae in qua vivunt, pro norma credendi & vivendi accipere, a qua recedere nefas habeatur. Antiquissimum hunc esse morem, non negabit, qui ex historia primæ ecclesiae didicerit, catechumenis, antequam sacro lavarentur fonte, in Symbolum Apostolicum, publice recitatum iurandum fuisse. Etiam hanc circumstantiam, quamvis eam de essentia Symboli haud quamquam esse, lubenti animo largior, in Nehemianum illud Symbolum optime quadrare, ex ipso sacrarum paginarum testimonio discimus: quippe omnes reipublicæ Judaicæ cives erant באים ובשבועה באלה venientes, ut sanctissimum præstarent iusjurandum. Nec populi Israelitici unquam solemnius existit, quam quod tunc dixerunt sacramentum, \*) immo ipsis illis quæ Deut. XXIX, 11. Ezech. XVII, 13. describuntur, solemnius. Neutro enim loco, nec ullo, alio, voces אלה & שבועה in significatione hac tam arcte conjunctæ in sacris litteris reperiuntur, quam in hoc Nehemiano, id quod, quanta hujus juramenti fuerit solemnitas, indicio est; Nec multum a vero abesse videtur, totum populum & voce clara & subscriptis nominibus hoc sacramentum celebrasse. Siccine ergo quodlibet populi Israelitici fœdus cum Deo quocunque tempore ictum, Symbolum appellandum erit? siccine tot tandem habebimus Symbola, quot numerantur religiosiora pacta in sacris litteris obvia; in primis autem Hiskiae 2. Reg. XVIII. coll. II. Paral. XXIX. & Josiae 2. Reg. XXIII. coll. 2. Paral. XXXIII. seqq. pactiones symbolorum nomine insigniendæ erunt? siquidem eæ & solemniores erant, & circa restaurandum ecclesiae statum,

)(

quem

\*) Equidem hæ voces etiam conjunguntur. Num. V, 21. bis & Dan. IX, 11. sed utroque execrationem divinam eandemque itidem vehementissimam indicat.

quem perditissimum tunc fuisse scimus, versabantur. Ita sane, si quodlibet pactum cum Deo sancitum habendum pro symbolo esset, & non potius illud tantum, in quo omnes partes constituentes, reperiuntur. Quod si ergo præter hoc Nehemianum, aliud forte in codice sacro inveniatur, in quod, quæ requiruntur, quadrent, symbolum erit, sin minus non erit; Atque hoc est, cum in neutro locorum paulo ante allegatorum reperiri Symbolum liceat. Etenim, quamvis id, quod per impietatem superiorum regum, in fœdere ruptum erat, ab Hiskia & Josia l. c. restauraretur, tamen nec scribebatur nec obsignabatur quicquam, nec sacramentum dicebatur, nec ut norma seu publica ecclesiæ confessio posteritati tradebatur. Pari etiam ratione judicandum est de iis, qui incunabula Symbolorum a Sethi statim ætate Gen. IV, 26. vel a Noachi epocha Gen. IX, 25. 26. repetenda esse, autumant & quos Cel. Budd. in Isagoge p. 396. non solum allegat, sed & refurat laudandus sane nisi ideo refutare videretur, ut inde conficeret, frustra Symbolorum vestigia in scriptura sacra quæri. Sed salva res est; Symbole in adductis locis plane nulla esse, largior, in nostro autem loco dari Symbolum proprietale, ideo probabile esse, non desinit. Sed ad demonstrandam paritatem, quam inter Nehemianum illud & nostra Symbole, intercedere supra dixi, ulterius accedit nec parum confert, quod ad Symbole porro requiritur, ut secundum analogiam fidei & unicam sacrorum monumentorum normam condita sint. Si enim ea doctrinæ & morum perpetua, indubitata & falli nescia regula esse debeant, necesse est, ut normæ normanti, i. e. sacræ scripturæ exacte respondeant. En rationem cur nostra symbole norma normata audiant. Nehemianum Symbolum haud fuisse normam normantem sed normatam i. e. secundum legem Mosaicam factam, facillimum probatu videtur. Namque in symbolo Nehemiæ præter alios etiam hunc articulum expressis legimus verbis v. 29. quem libet Judæorum ex lege divina victurum omniaque Jehovah præcepta, jura, placita servaturum atque obiturum esse. Quis ergo non videt, satis luculenter hanc ecclesiæ Judaicæ reformationem, ab ipsa lege divina distingui? usque adeo apparet, Nehemiæ symbolum a Mosis & prophetarum scriptis non aliter differre, quam normatum a norma & principiatum a suo principio. At hoc pactum, inquis, totidem verbis in ipso Nehemiæ libro

Cap. X. legitur, ejus auctor, quicquid scripsit, *Φερόμενος ὑπὸ τῶ πνεύματος ἀγίου* scripsit; adeoque hoc etiam Symbolum ex *θεοπνευσία* immediata profectum; potius ut norma normans quam normata, considerandum est. Enim vero tantum abest, ut Symbolum ipsum totidem verbis conceptum Cap. X. contineatur; ut potius præcipua ejusdemque capita, quasi in compendio l. c. exhibeantur. Nec inultum a vero discrepare videtur, Nehemiam Symbolum suum, sermone Chaldaeo conscripsisse, in hoc enim multo exercitiores fuisse Judæos, quam in Hebræo, quem vix & ne vix quidem sine interprete intelligebant; ex supra monitis manifestum est. Quod si ergo Chaldaice scriptum fuit Symbolum, ponamus illud tantisper, non potest non idem hoc esse, quod Cap. X. recensitum legimus: stat ergo sententia: Symbolum Nehemiæ ex mediata *θεοπνευσία* profectum, normam normatam fuisse, \*) adeoque & quoad hanc circumstantiam cum nostris Symbolis belle conspirare. Restat adhuc ultimum comparationis momentum, paucis indicandum, nimirum auctorum utriusque & temporum conditio. Ex diuturna & gravissima servitute, quam sub potestate regum Babylonicorum perpeffi fuerant, in libertatem vindicati, gentis Judaicæ primores de Symbolis cogitare coeperunt, eunt in finem, ut si forsitan salus reipublicæ denuo periclitaretur, ecclesia tamen haud quicquam detrimenti caperet. Experti enim jam satis erant, quanto cum ecclesiæ periculo, anceps reipublicæ salus sit conjuncta. Pari ratione majores nostri e Pontificis Romani tyrannide emancipati inprimis Symbolis quibusdā ecclesiam ab innumeris erroribus repturgatam, tanquam validissimo quodam vallo diligentissime præmuniebant, ne in eandem miseriam olim reciderent, ex qua tantis laboribus tantisque vigiliis per admirabilem summi numinis gentia nunc restituti erant. Quod si ergo omnia paritatis argumenta, tum quæ essentialia tum quæ accidentia, mente repetamus & paulo penitius spectemus, Symbolorum vestigia jam jam in V. T. inveniri, quamvis vox Symboli nondum innotuerit, cur dubitemus, nihil esse videtur.

)( ( 2

Hæc

\*) Multa enim res primis auctoribus divinitus non inspirata, sed illorum arbitrio orta, ab historicis tam sacris *θεοπνευσίαις* & *θεοπνευσταίς* sunt scriptæ.

Hæc fere erant, quæ **VESTRISSIMI**, quod subactissimum rerum perspicacissimum intendenda rebar. Videtis **IPSI** quantam sit Symbolorum origo, quam Nehemias vir θεόπνευστος pro comprobavit. Cognoscitis, Symbola ut inventum mere humiliter latrant, & quod in ea præstare abominandan mentium tyranni etiam quantas laudes eorum coneternaque industria in hoc sancti sunt. **VOS** tales esse, qui præter discenda excolendaque Symbola tum **PRÆSES** nostræ societates & nos omnes & singuli, summa mur. Accipitis ergo nunc iure tantæ pietatis, dexteritatis & diligentiæ nobis simul hoc quaecunque amant **JESVS** vero O. M. cuius **VOS** cujuscunque hostis impetum fortiter **VESTRIS** conatibus imposterum **STRVM** καλὸς στρατιώτης summi que in Christianorum castris, præportet. Sic ecclesia habebit, qui eruditus, de quibus optime spero de quibus valde lætentur; & nova meritorum præsentia animo gratulatur.



VESTRO iudicio, VIRI CLA-  
tissimum non modo, sed & complu-  
um in VOBIS esse scio, cominit-  
quam veneranda, ob tantam antiqui-  
origo, quanta eorum sit auctoritas,  
vivos ipsis conciliavit, suoque exem-  
piscitis, quanta sit eorum impietas, qui  
re humanum, plus quam hostiliter al-  
ræstare fas est iusjurandum tanquam  
yrannidem accusant. Sed intelligitis  
m conatus mereantur, qui diurna no-  
c sanctiorum studiorum genere assidui  
præter ætatis nostræ indolem, in ad-  
ymbolorum doctrina, indefessi fitis,  
tates SUMME VENERABILIS tum  
umma cum animi propensione testa-  
c jure ac merito, VIRI EXIMII,  
& diligentiae præmia; accipitis & a  
que amoris monumentum & pignus.  
is VOS Symbolis gerendis & contra  
um fortiter defendendis, adfuescitis, vita  
osterum propitius adsit, ut quilibet VE-  
summi istius imperatoris, futurus, stre-  
tris, pugnet plenamque victoriam re-  
t, qui Symbolis bene consulant, orbis  
e speret; Parentes, si qua supersites,  
tur; nos autem, quibus indies  
n præmia VOBIS futura ex  
mo gratulemur.

